

भक्तामर स्तोत्र (हिन्दी)
Bhaktāmara Stōtra (Hindī)

कविश्री पं. हेमराज

Kaviśrī pt. Hēmarāja

(दोहा)

आदिपुरुष आदीश जिन, आदि सुविधि करतार |
धरम-धुरंधर परमगुरु, नमूं आदि अवतार ||

(dōhā)

Adipuruṣa ādīśa jina, ādi suvidhi karatāra |
Dharama-dhurandhara paramaguru, namuṃ ādi avatāra ||

(चौपाई छन्द)

सुर-नत-मुकुट रतन-छवि करें, अंतर पाप-तिमिर सब हरें |
जिनपद वंदूं मन वच काय, भव-जल-पतित उधरन-सहाय ||१||

(Caupāi chanda)

Sura-nata-mukuṭa ratana-chavi kareṃ, antara pāpa-timira saba hareṃ |
Jinapada vandun mana vaca kāya, bhava-jala-patita udharana-sahāya ||1||

श्रुत-पारग इंद्रादिक देव, जाकी थुति कीनी कर सेव |
शब्द मनोहर अरथ विशाल, तिन प्रभु की वरनूं गुन-माल ||२||
Śruta-pāraga indrādika dēva, jākī thuti kīnī kara sēva |

Śabda manōhara aratha viśāla, tina prabhu kī varanuṃ guna-māla ||2||

विबुध-वंद्य-पद में मति-हीन, हो निलज्ज थुति मनसा कीन |
जल-प्रतिबिंब बुद्ध को गहे, शशिमंडल बालक ही चहे ||३||

Vibudha-vandya-pada mairṃ mati-hīna, hō nilajja thuti manasā kīna |
Jala-pratibimba bud'dha kō gahe, śaśimaṇḍala bālaka hī cahe ||3||

गुन-समुद्र तुम गुन अविकार, कहत न सुर-गुरु पावें पार |
प्रलय-पवन-उद्धत जल-जंतु, जलधि तिरे को भुज बलवंतु ||४||

Guna-samudra tuma guna avikāra, kahata na sura-guru pāveṃ pāra |
Pralaya-pavana-ud'dhata jala-jantu, jaladhi tire kō bhuja balavantu ||4||

सो मैं शक्ति-हीन थुति करूँ, भक्ति-भाव-वश कछु नहिं डरूँ ।
ज्यों मृगि निज-सुत पालन हेत, मृगपति सन्मुख जाय अचेत ॥५॥

Sō maiṁ śakti-hīna thuti karūṁ, bhakti-bhāva-vaśa kachu nahim̐ ḍarūṁ |
Jyōṁ mṛgi nija-suta pālana hēt, mṛgapati sanmukha jāya acēta ॥5॥

मैं शठ सुधी-हँसन को धाम, मुझ तव भक्ति बुलावे राम ।
ज्यों पिक अंब-कली परभाव, मधु-ऋतु मधुर करे आराव ॥६॥

Maiṁ śaṭha sudhī-haṁsana kō dhāma, mujha tava bhakti bulāve rāma |
Jyōṁ pika amba-kalī parabhāva, madhu-ṛtu madhura kare āraṅva ॥6॥

तुम जस जंपत जन छिन माँहिं, जनम-जनम के पाप नशाहिं ।
ज्यों रवि उगे फटे ततकाल, अलिवत् नील निशा-तम-जाल ॥७॥

Tuma jasa jampata jana china māṁhiṁ, janama-janama kē pāpanaśāhiṁ |
Jyōṁ ravi ugē phaṭē tatakāla, alivat nīla niśā-tama-jāla ॥7॥

तव प्रभाव तें कहुँ विचार, होसी यह थुति जन-मन-हार ।
ज्यों जल कमल-पत्र पे परे, मुक्ताफल की द्युति विस्तरे ॥८॥

Tava prabhāva teṁ kahūṁ vicāra, hōsī yaha thuti jana-mana-hāra |
Jyōṁ jala kamala-patra pe pare, muktāphala kī dyuti vistare ॥8॥

तुम गुन-महिमा-हत दुःख-दोष, सो तो दूर रहो सुख-पोष ।
पाप-विनाशक है तुम नाम, कमल-विकासी ज्यों रवि-धाम ॥९॥

Tuma guna-mahimā-hata duḥkha-dōṣa, sō tō dūra rahō sukha-pōṣa |
Pāpa-vināśaka hai tuma nāma, kamala-vikāsī jyōṁ ravi-dhāma ॥9॥

नहिं अचंभ जो होहिं तुरंत, तुमसे तुम-गुण वरणत संत ।
जो अधीन को आप समान, करे न सो निंदित धनवान ॥१०॥

Nahim̐ acambha jō hōhiṁ turanta, tumaṣē tuma-guṇa varaṇata santa |
Jō adhīna kō āpa samāna, kare na sō nindita dhanavāna ॥10॥

इकटक जन तुमको अवलोय, अवर विषै रति करे न सोय ।
को करि क्षार-जलधि जल पान, क्षीर नीर पीवे मतिमान ॥११॥
Ikaṭaka jana tumakō avalōya, avara viṣai rati kare na sōya |
Kō kari kṣāra-jaladhi jala pāna, kṣīra nīra pīvē matimāna ||11||

प्रभु! तुम वीतराग गुण-लीन, जिन परमाणु देह तुम कीन ।
हैं तितने ही ते परमाणु, या तें तुम सम रूप न आनु ॥१२॥
Prabhu! Tuma vītarāga guṇa-līna, jina paramāṇu dēha tuma kīna |
Hair̥ṁ titanē hī tē paramāṇu, yā tēṁ tuma sama rūpa na ānu ||12||

कहँ तुम मुख अनुपम अविकार, सुर-नर-नाग-नयन-मन हार ।
कहाँ चंद्र-मंडल सकलंक, दिन में ढाक-पत्र सम रंक ॥१३॥
Kahaṁ tuma mukha anupama avikāra, sura-nara-nāga-nayana-mana hāra |
Kahāṁ candra-maṇḍala sakalaṅka, dina mēṁ ḍhāka-patra sama raṅka ||13||

पूरन-चंद्र-ज्योति छविवंत, तुम गुन तीन जगत् लंघंत ।
एक नाथ त्रिभुवन-आधार, तिन विचरत को करे निवार ॥१४॥
Pūrana-candra-jyōti chavivanta, tuma guna tīna jagat laṅghanta |
Ēka nātha tribhuvana-ādhāra, tina vicarata kō kare nivāra ||14||

जो सुर-तिय विभ्रम आरम्भ, मन न डिग्यो तुम तोड न अचंभ ।
अचल चलावे प्रलय समीर, मेरु-शिखर डगमगें न धीर ॥१५॥
Jō sura-tiya vibhrama ārambha, mana na ḍigyō tuma tou na acambha |
Acala calāve pralaya samīra, mēru-śikhara ḍagamageṁ na dhīra ||15||

धूम-रहित बाती गत नेह, परकाशे त्रिभुवन-घर एह ।
वात-गम्य नाही परचंड, अपर दीप तुम बलो अखंड ॥१६॥
Dhūma-rahita bātī gata nēha, parakāśe tribhuvana-ghara ēha |
Vāta-gamya nāhīṁ paracaṇḍa, अपर dīpa tuma balō akhaṇḍa ||16||

छिपहु न लुपहु राहु की छाहिं, जग-परकाशक हो छिन-माहिं ।

घन-अनवर्त दाह विनिवार, रवि तें अधिक धरो गुणसार ॥१७॥

Chipahu na lupahu rāhu kī chāhiṃ, jaga-parakāśaka hō china-māhiṃ ।

Ghana-anavarta dāha vinivāra, ravi teṃ adhika dharō guṇasāra ॥17॥

सदा उदित विदलित तममोह, विघटित मेघ-राहु-अवरोह ।

तुम मुख-कमल अपूरब चंद, जगत्-विकाशी जोति अमंद ॥१८॥

Sadā udita vidalita tamamōha, vighaṭita mēgha-rāhu-avarōha ।

Tuma mukha-kamala apūraba canda, jagat-vikāśī jōti Amanda ॥18॥

निश-दिन शशि रवि को नहिं काम, तुम मुख-चंद हरे तम-धाम ।

जो स्वभाव तें उपजे नाज, सजल मेघ तें कौनुहु काज ॥१९॥

Niśa-dina śaśi ravi kō nahim kāma, tuma mukha-canda harē tama-dhāma ।

Jō svabhāva ten upajā nāja, sajala mēgha ten kaunahu kāja ॥19॥

जो सुबोध सोहे तुम माँहिं, हरि हर आदिक में सो नाहिं ।

जो द्युति महा-रतन में होय, कांच-खंड पावे नहिं सोय ॥२०॥

Jō subōdha sōhē tuma māṃhiṃ, hari hara ādika mēm sō nāhiṃ ।

Jō dyuti mahā-ratana mēm hōya, kāñca-khaṇḍa pāve nahim sōya ॥20॥

(नाराच छन्द)

सराग देव देख मैं भला विशेष मानिया ।

स्वरूप जाहि देख वीतराग तू पिछानिया ॥

कछू न तोहि देखके जहाँ तुही विशेषिया ।

मनोग चित्त-चोर ओर भूल हू न पेखिया ॥२१॥

(Nārāca chanda)

Sarāga dēva dēkha maiṃ bhalā viśēṣa māniyā ।

Svarūpa jāhi dēkha vītarāga tū pichāniyā ॥

Kachū na tōhi dēkhakē jahāṃ tuhī viśēkhiyā ।

Manōga citta-cōra ora bhūla hū na pēkhiyā ॥21॥

अनेक पुत्रवंतिनी नितंबिनी सपूत हैं |
न तो समान पुत्र और मात तें प्रसूत हैं ||
दिशा धरंत तारिका अनेक कोटि को गिने |
दिनेश तेजवंत एक पूर्व ही दिशा जने ||२२||

Anēka putravantiṇī nitambinī sapūta haiṁ |
Na tō samāna putra aura māta ten prasūta haiṁ ||
Diśā dharanta tārikā anēka kōṭi kō gine |
Dinēśa tējavanta ēka pūrva hī diśā jane ||22||

पुरान हो पुमान हो पुनीत पुण्यवान हो |
कहें मुनीश! अंधकार-नाश को सुभानु हो ||
महंत तोहि जान के न होय वश्य काल के |
न और मोहि मोक्ष पंथ देय तोहि टाल के ||२३||

Purāna hō pumāna hō punīta puṇyavāna hō |
Kaheṁ munīśa! Andhakāra-nāśa kō subhānu hō ||
Mahanta tōhi jāna kē na hōya vaśya kāla kē |
Na aura mōhi mōkṣa pantha dēya tōhi ṭāla kē ||23||

अनंत नित्य चित्त की अगम्य रम्य आदि हो |
असंख्य सर्वव्यापि विष्णु ब्रह्म हो अनादि हो ||
महेश कामकेतु जोगि ईश योग ज्ञान हो |
अनेक एक ज्ञानरूप शुद्ध संतमान हो ||२४||

Ananta nitya citta kī agamyarāmya ādi hō |
Asaṅkhyā sarvavyāpi viṣṇu brahma hō anādi hō ||
Mahēśa kāmakētu jōgī īśa yōga jñāna hō |
Anēka ēka jñānarūpa śud'dha santamāna hō ||24||

तुही जिनेश! बुद्ध है सुबुद्धि के प्रमान तें |
तुही जिनेश! शंकरो जगत्त्रयी विधान तें ||
तुही विधात है सही सुमोख-पंथ धार तें |
नरोत्तमो तुही प्रसिद्ध अर्थ के विचार तें ||२५||

Tuhī jinēśa! Bud'dha hai subud'dhi kē pramāna ten |
Tuhī jinēśa! Śaṅkarō jagattrayī vidhāna ten ||
Tuhī vidhāta hai sahī sumōkha-pantha dhāra ten |
Narōttamō tuhī prasid'dha artha kē vicāra ten ||25||

नमो करूँ जिनेश! तोहि आपदा निवार हो |
नमो करूँ सु भूरि भूमि-लोक के सिंगार हो ||
नमो करूँ भवाब्धि-नीर-राशि-शोष-हेतु हो |
नमो करूँ महेश! तोहि मोख-पंथ देतु हो ||२६||

Namō karūṁ jīnēśa! Tōhi āpadā nivāra hō |
Namō karūṁ su bhūri bhūmi-lōka kē siṅgāra hō ||
Namō karūṁ bhavābdhi-nīra-rāśi-śōṣa-hētu hō |
Namō karūṁ mahēśa! Tōhi mōkha-pantha dētu hō ||26||

(चौपाई 15 मात्रा)

तुम जिन पूरन गुन-गन भरे, दोष गर्व करि तुम परिहरे |
और देव-गण आश्रय पाय, स्वप्न न देखे तुम फिर आय ||२७||

(Caupāi 15 mātrā)

Tuma jina pūrana guna-gana bharē, dōṣa garva kari tuma pariharē |
Aura dēva-gaṇa āśraya pāya, svapna na dēkhē tuma phira āya ||27||

तरु अशोक-तल किरन उदार, तुम तन शोभित है अविकार |
मेघ निकट ज्यों तेज फुरंत, दिनकर दिपे तिमिर निहनंत ||२८||

Taru aśōka-tala kirana udāra, tuma tana śōbhita hai avikāra |
Mēgha nikaṭa jyōm tēja phuranta, dinakara dipe timira nihananta ||28||

सिंहासन मणि-किरण-विचित्र, ता पर कंचन-वरन पवित्र |
तुम तन शोभित किरन विथार, ज्यों उदयाचल रवि तम-हार ||२९||

Sinhāsana maṇi-kiraṇa-vicitra, tā para kañcana-varana pavitra |
Tuma tana śōbhita kirana vithāra, jyōm udayācala ravi tama-hāra ||29||

कुंद-पुहुप-सित-चमर दुरंत, कनक-वरन तुम तन शोभंत |
ज्यों सुमेरु-तट निर्मल कान्ति, झरना झरे नीर उमगांति ||३०||

Kunda-puhupa-sita-camara dhuranta, kanaka-varana tuma tana śōbhanta |
Jyōm sumēru-taṭa nirmala kānti, jharanā jhare nīra umagānti ||30||

ऊँचे रहें सूर-दुति लोप, तीन छत्र तुम दिपें अगोप ।
तीन लोक की प्रभुता कहें, मोती झालरसों छवि लहें ॥३१॥
Ūm̄cē rahēm sūra-duti lōpa, tīna chatra tuma dipen agōpa ।
Tīna lōka kī prabhutā kahēn, mōṭī jhālarasōm chavi lahēn ॥31॥

दुंदुभि-शब्द गहर गंभीर, चहुँ दिशि होय तुम्हारे धीर ।
त्रिभुवन-जन शिव-संगम करें, मानो जय-जय रव उच्चरें ॥३२॥
Dundubhi-śabda gahara gambhīra, cahum̄ diśi hōya tumhārē dhīra ।
Tribhuvana-jana śiva-saṅgama karēm, mānō jaya-jaya rava uccarēm ॥32॥

मंद पवन गंधोदक इष्ट, विविध कल्पतरु पुहुप सुवृष्ट ।
देव करें विकसित दल सार, मानो द्विज-पंकति अवतार ॥३३॥
Manda pavana gandhōdaka iṣṭa, vividha kalpataru puhupa suvṛṣṭa ।
Dēva karēn vikasita dala sāra, mānō dvija-paṅkati avatāra ॥33॥

तुम तन-भामंडल जिन-चंद, सब दुतिवंत करत हैं मंद ।
कोटि संख्य रवि-तेज छिपाय, शशि निर्मल निशि करे अछाय ॥३४॥
Tuma tana-bhāmaṅḍala jina-canda, saba dutivanta karata haiṁ manda ।
Kōṭi saṅkhyā ravi-tēja chipāya, śaśi nirmala niśi kare achāya ॥34॥

स्वर्ग-मोख-मारग संकेत, परम-धरम उपदेशन हेत ।
दिव्य वचन तुम खिरें अगाध, सब भाषा-गर्भित हित-साध ॥३५॥
Svarga-mōkha-māraga saṅkēta, parama-dharama upadēśana hēta ।
Divya vacana tuma khiren agādha, saba bhāṣā-garbhita hita-sādha ॥35॥

(दोहा छन्द)

विकसित-सुवरन-कमल-दुति, नख-दुति मिलि चमकाहिं ।
तुम पद पदवी जहँ धरो, तहँ सुर कमल रचाहिं ॥३६॥

(Dōhā chanda)

Vikasita-suvarana-kamala-duti, nakha-duti mili camakāhiṁ ।
Tuma pada padavī jaham̄ dharō, taham̄ sura kamala racāhiṁ ॥36॥

ऐसी महिमा तुम-विषै, और धरे नहिं कोय ।

सूरज में जो जोत है, नहिं तारा-गण होय ॥३७॥

Aisī mahimā tuma-viṣaim, aura dharai nahim kōya |

Sūraja mēm jō jōta hai, nahim tārā-gaṇa hōya ॥37॥

(षट्पद छन्द)

मद-अवलिप्त-कपोल-मूल अलि-कुल झँकारें ।

तिन सुन शब्द प्रचंड क्रोध उद्धत अति धारें ॥

काल-वरन विकराल कालवत् सनमुख आवे ।

ऐरावत सो प्रबल सकल जन भय उपजावे ॥

देखि गयंद न भय करे, तुम पद-महिमा लीन ।

विपति-रहित संपति-सहित, वरतैं भक्त अदीन ॥३८॥

(Ṣaṭpada chanda)

Mada-avalipta-kapōla-mūla ali-kula jhamkārēn |

Tina suna śabda pracaṇḍa krōdha ud'dhata ati dhārēn ॥

Kāla-varana vikarāla kālavat sanamukha āve |

Airāvata sō prabala sakala jana bhaya upajāve ॥

Dēkhi gayanda na bhaya kare, tuma pada-mahimā līna |

Vipati-rahita sampati-sahita, varatēn bhakta adīna ॥38॥

अति मद-मत्त गयंद कुंभ-थल नखन विदारे ।

मोती रक्त समेत डारि भूतल सिंगारे ॥

बाँकी दाढ़ विशाल वदन में रसना लोले ।

भीम भयानक रूप देख जन थरहर डोले ॥

ऐसे मृग-पति पग-तले, जो नर आयो होय ।

शरण गये तुम चरण की, बाधा करे न सोय ॥३९॥

Ati mada-matta gayanda kumbha-thala nakhana vidāre |

Mōtī rakta samēta ḍāri bhūtala siṅgāre ॥

Bāṁkī dāṛha viśāla vadana mēm rasanā lōle |

Bhīma bhayānaka rūpa dēkha jana tharahara ḍōle ॥

Aisē mṛga-pati paga-tale, jō nara āyō hōya |

Śaraṇa gayē tuma caraṇa kī, bādhā kare na sōya ॥39॥

प्रलय-पवनकरि उठी आग जो तास पटंतर |
वमे फुलिंग शिखा उतंग पर जले निरंतर ||
जगत् समस्त निगल्ल भस्म कर देगी मानो |
तड़-तड़ाट दव-अनल जोर चहुँ-दिशा उठानो ||
सो इक छिन में उपशमे, नाम-नीर तुम लेत |
होय सरोवर परिनमे, विकसित-कमल समेत ||४०||

Pralaya-pavanakari uṭhī āga jō tāsa paṭantara |
Vame phuliṅga śikhā utaṅga para jalē nirantara ||
Jagat samasta nigalla bhasma kara dēgī mānō |
Taṛa-taṛāṭa dāva-anala jōra cahuṁ-diśā uṭhānō ||
Sō ika china mēm upaśame, nāma-nīra tuma lēta |
Hōya sarōvara pariname, vikasita-kamala samēta ||40||

कोकिल-कंठ-समान श्याम-तन क्रोध जलंता |
रक्त-नयन फुंकार मार विष-कण उगलंता ||
फण को ऊँचा करे वेगि ही सन्मुख धाया |
तव जन होय निःशंक देख फणपति को आया ||
जो चाँपे निज पग-तले, व्यापे विष न लगार |
नाग-दमनि तुम नाम की, है जिनके आधार ||४१||

Kōkila-kaṅṭha-samāna śyāma-tana krōdha jalantā |
Rakta-nayana phuṅkāra māra viṣa-kaṇa ugalantā ||
Phaṇa kō ūṁcā karē vēgi hī sanmukha dhāyā |
Tava jana hōya ni:Śaṅka dēkha phaṇapati kō āyā ||
Jō cāṁpē nija paga-talaim, vyāpe viṣa na lagāra |
Nāga-damani tuma nāma kī, hai jinakē ādhāra ||41||

जिस रन माहिं भयानक रव कर रहे तुरंगम |
घन-सम गज गरजाहिं मत्त मानों गिरि-जंगम ||

Jisa rana māhiṁ bhayānaka rava kara rahē turaṅgama |
Ghana-sama gaja garajāhiṁ matta mānōṁ giri-jaṅgama ||

अति-कोलाहल-माँहिं बात जहँ नाहिं सुनीजे ।
राजन को परचंड देख बल धीरज छीजे ॥
नाथ तिहारे नाम तें, अघ छिन माँहि पलाय ।
ज्यों दिनकर परकाश तें, अंधकार विनशाय ॥४२॥

Ati-kōlāhala-mām̃hiṁ bāta jaham̃ nāhiṁ sunīje ।
Rājana kō paracaṇḍa dēkhā bala dhīraja chīje ॥
Nātha tihārē nāma ten, agha china mām̃hi palāya ।
Jyōm̃ dinakara parakāśa ten, andhakāra vīnaśāya ॥42॥

मारें जहाँ गयंद-कुंभ हथियार विदारे ।
उमगे रुधिर-प्रवाह वेग जल-सम विस्तारे ॥
होय तिरन असमर्थ महाजोधा बलपूरे ।
तिस रन में जिन तोर भक्त जे हैं नर सूरे ॥
दुर्जय अरिकुल जीतके, जय पावें निकलंक ।
तुम पद-पंकज मन बसें, ते नर सदा निशंक ॥४३॥

Mārēm̃ jahām̃ gayanda-kumbha hathiyāra vidāre ।
Umagē rudhira-pravāha vējajala-sama vistāre ॥
Hōya tirana asamartha mahājōdhā balapūrē ।
Tisa rana mēm̃ jina tōra bhakta jē haiṁ nara sūrē ॥
Durjaya arikula jītakē, jaya pāven nikalaṅka ।
Tuma pada-paṅkaja mana basen, tē nara sadā niśaṅka ॥43॥

नक्र चक्र मगरादि मच्छ-करि भय उपजावे ।
जा में बड़वा अग्नि दाह तें नीर जलावे ॥
पार न पावे जास थाह नहिं लहिये जाकी ।
गरजे अतिगंभीर लहर की गिनति न ताकी ॥
सुख सों तिरें समुद्र को, जे तुम गुन सुमिराहिं ।
लोल-कलोलन के शिखर, पार यान ले जाहिं ॥४४॥

Nakra cakra magarādi maccha-kari bhaya upajāve ।
Jāmēm̃ baṛavā agni dāha ten nīra jalāve ॥
Pāra na pāve jāsa thāha nahim̃ lahiyē jākī ।
Garajāte atigambhīra lahara kī ginati na tākī ॥
Sukhasōm̃ tiren samudra kō, jē tuma guna sumirāhiṁ ।
Lōla-kalōlana kē śikhara, pāra yāna lē jāhiṁ ॥44॥

महा जलोदर रोग-भार पीड़ित नर जे हैं |
वात पित्त कफ कुष्ठ आदि जो रोग गहे हैं ||
सोचत रहें उदास नाहिं जीवन की आशा |
अति घिनावनी देह धरें दुर्गंधि-निवासा ||
तुम पद-पंकज-धूल को, जो लावें निज-अंग |
ते नीरोग शरीर लहि, छिन में होंय अनंग ||४५||

Mahā jalōdara rōga-bhāra pīṛita nara jē hair̥ |
Vāta pitta kapha kuṣṭha ādi jō rōga gahe hair̥ ||
Sōcata rahēm udāsa nāhir̥m jīvana kī āsā |
Ati ghināvanī dēha dharen durgandhi-nivāsā ||
Tuma pada-pankaja-dhūla kō, jō lāven nija-aṅga |
Tē nīrōga śarīra lahi, china mēm hōnya anaṅga ||45||

पाँव कंठ तें जकड़ बाँध साँकल अतिभारी |
गाढ़ी बेड़ी पैर-माहिं जिन जाँघ विदारी ||
भूख-प्यास चिंता शरीर-दुःख जे विललाने |
सरन नाहिं जिन कोय भूप के बंदीखाने ||
तुम सुमिरत स्वयमेव ही, बंधन सब खुल जाहिं |
छिन में ते संपत्ति लहें, चिंता भय विनसाहिं ||४६||

Pāṁva kaṅṭha ten jakar̥a bāṁdha sāṅkala atibhārī |
Gāṛhī bēṛī paira-māhir̥m jina jāṁgha vidārī ||
Bhūkha-pyāsa cintā śarīra-du:Kha jē vilalānē |
Sarana nāhir̥m jina kōya bhūpa kē bandīkhānē ||
Tuma sumirata svayamēva hī, bandhana saba khula jāhir̥m |
China mēm tē sampati lahen, cintā bhaya vinasāhir̥m ||46||

महामत्त गजराज और मृगराज दवानल |
फणपति रण-परचंड नीर-निधि रोग महाबल ||
बंधन ये भय आठ डरपकर मानों नाशे |
तुम सुमिरत छिनमाहिं अभय थानक परकाशे ||
इस अपार-संसार में, शरन नाहिं प्रभु कोय |
या तें तुम पद-भक्त को, भक्ति सहाई होय ||४७||

Mahāmatta gajarāja aura mṛgarāja davānala |
Phaṇapati raṇa-paracaṇḍa nīra-nidhi rōga mahābala||
Bandhana yē bhaya āṭha ḍarapakara mānōm nāśe |
Tuma sumirata chinamāhiṁ abhaya thānaka parakāśe ||
Isa apāra-sansāra mēm, śarana nāhiṁ prabhu kōya |
Yā ten tuma pada-bhakta kō, bhakti sahāi hōya ||47||

यह गुनमाल विशाल नाथ! तुम गुनन सँवारी |
विविध-वर्णमय-पुहुप गूँथ में भक्ति विथारी ||
जे नर पहिरें कंठ भावना मन में भावें |
'मानतुंग'-सम निजाधीन शिवलक्ष्मी पावें ||
भाषा-भक्तामर कियो, 'हेमराज' हित-हेत |
जे नर पढ़ें सुभाव-सों, ते पावें शिव-खेत ||४८||

Yaha gunamāla viśāla nātha! Tuma gunana saṁvārī |
Vividha-varṇamaya-puhupa gūṁtha mairṁ bhakti vithārī ||
Jē nara pahirēn kaṇṭha bhāvanā mana mēm bhāven |
'Mānatuṅga'-sama nijādhīna śivalakṣmī pāven ||
Bhāṣā-bhaktāmara kiyō, 'hēmarāja' hita-hēta |
Jē nara paṛhen subhāva-sōm, tē pāven śiva-khēta ||48||

* * * A * * *